

已上三方許學士試効者治水腫無逾此矣  
雄黃神金散

雄黃 葶藶糲米炒熟澤瀉 椒目減半大戟

巴戟 茯苓 芫花醋浸一日炒甘遂 桑皮各一

右為末空心用井花水調服每一錢加至五錢以利為度忌鹽醋生冷油膩之物

從腳腫加葶藶 肚腫加椒目 從陰腫加

澤瀉 面腫加茯苓 從心腫根在肋加雄

黃 從肢腫根在皮加甘遂 從口腫根在

小腸加巴戟 從腰腫根在腎加大戟 從

膝腫根在肝加芫花

三白散 治膀胱蘊熱風濕相乘陰囊腫大二利

白丑二桑白皮 白朮 陳皮 木通各等

為末每服二錢空心姜湯調下小兒減半

秘方 治鼓脹如神氣鼓則放屁水鼓則下水愈

大戟 白商陸 甘遂各三錢陳皮二錢大腹皮

檳榔 白朮 海帶 海藻各二為末每

用三錢和白麵三兩水拌做一塊分作三小

塊每塊捍碗口大薄餅一箇共作三箇無油  
鍋內烙熟空心服一餅酒送下茶過口坐卧  
忌風生冷油膩鹽一箇月不能斷葷者不可  
治也此藥試過每用一餅僅行水四瘦人並  
一方 用乾鷄屎一升炒黃好酒三碗淬下煮作  
一碗絹濾去渣飲之少頃腹中氣大轉腸鳴從  
大便利下脚膝及蹄上下先皺起漸消至腹  
如一次消不盡再服一劑以田螺二枚滾酒內  
漂熟食之即止後以溫粥調養而安

此方治一切水氣濕發腫効

三因消腫丸 治水腫喘滿小便不利

滑石 木通 白朮 黑丑炒 茯苓 半夏

陳皮銼 木香 藟麥 丁香各五分

為末酒糊丸梧子大每五十丸灯心麥門湯下

葶藶丸 治涌水証如溢囊裏裡漿或遍身腫滿

按腹不堅疾行則濯有聲或喘欬不定

葶藶炒 澤瀉 椒目 桑白皮 木猪苓

杏仁銼 五錢 為末煉蜜丸梧子大每二三十丸葱

白湯下不拘時服以利為度

局方神助散 治十種水氣面目四肢浮腫以手

按之隨手而起欬嗽喘急不得安卧小便赤澁

大便不利

黑丑末 澤瀉略 椒目半 猪苓 二兩 葶藶

三右為末葱白三莖水煎入酒調服三錢

薏苡根散 治水腫

薏苡根君 木香 檳榔 黑丑

右為末酒調服妙

聖惠氣寶丸又名順氣丸 治腰脇俱病如抱一甕肌膚

堅硬按之如鼓脚腫不能屈伸自頭至臆中瘦

脊露骨曾膈痞悶四肢無力

木香 茴香炒 羌活 木瓜 川芎 當歸

陳皮炒 檳榔 地骨皮略 大黃半 黑丑二

皂角四兩 右為末熬皂角膏為丸梧子大每六

十丸温酒下 一方無木瓜生姜灯心湯下

治一切氣血凝滯風毒熾盛脚氣走注作腫

或大便閉脚氣入腹滿悶寒熱往來狀如傷

寒並宜服之

簡易方 治水蠱不問年月深者

大戟 當歸 陳皮 略一

水二升煮七分頓服利二三斗即愈

元戎方 治十種水氣垂死

鯉魚一頭重一斤者和葱白冬瓜羹食之

又治鼓氣方

滑石 輕粉 錢一 槐花 半一錢

右不犯鉄氣為細末生地黄自然汁生姜自

然汁停滴在藥中為丸梧桐子大一日服三

丸次日服四丸五日以來早晨只一服用生

地黄汁温送下小便中水盡為度得睡後日

服嘉禾散十日永不復發

治陰水腫之劑

五皮散 治風濕客于脾經氣血凝滯以致面目

俱浮四肢腫滿心腹膨脹上氣喘促

五加皮 地骨皮 生姜皮 大腹皮

茯苓皮 水煎熱服 一方加牽牛

澹寮方無地骨皮五加皮 加陳皮桑白皮

白朮木香散 治腫滿喘嗽欲變成水病者不能

食不能卧小便秘

白朮 猪苓 甘草 澤瀉 赤茯苓 各五

木香 檳榔 各三錢 橘紅 二兩 官桂 二錢 滑石 三兩

右每服一兩半生姜三片水煎溫服木通一方加

拔萃聖靈丹 治脾肺有濕喘滿風盛小便赤澀

苦葶藶 兩 炒 防已 一錢 赤茯苓 麩炒 木香

檳榔 木通 人參 各一錢 五分

為末以棗肉丸梧子大每服五十丸棗白皮湯下

續隨子丸 治通身虛腫喘悶不快

人參 防已 赤茯苓 麩炒 續隨子 木香

檳榔 海金沙 另錢 炒 各 苦葶藶 四兩

右為末棗肉丸梧子大每五十丸桑皮湯下

退腫搨氣散 治積水驚水或飲水過多停積于

脾故四肢而身熱用藥惟內消其腫自退

赤豆 陳皮 蘿蔔子 甘州 各五錢 木香 二錢

每服一兩生姜三片棗一枚水煎食前服

復元丹 治水腫皮膚盈溢心腹堅脹喘急不得  
正偃正偃則咳嗽腿腹冷口苦舌乾小便不利  
夢中虛驚不得安卧

附子炮 木香煨 茴香炒 川椒炒去汗 獨活 厚朴

白朮炒 吳茱萸炒 桂心酪 澤瀉半 肉果煨

檳榔錢各五 為末糊丸梧子大每服五十九粒

蘓湯下一日三服先便旋利如傾次乃腫潰  
喘止此藥能助真火以養真土運樞机禁慾  
絕鹽半年乃不再作

當歸散 治同前

川歸 赤芍藥 牡丹皮 白朮 赤茯苓

陳皮 枳榔 木香 桂心 木通各等分

脚膝頭面腫大小便不快每服二錢水一鍾  
紫蘓葉二片木瓜一片同煎八分溫服日三  
服稍覺愈只早晚服二次但覺氣下小便長  
是効 臟虛去枳榔 臍凸加大腹皮猪苓  
各一两 忌鷄魚肉酸醎之物及海味

大半夏湯 治土不能制水水漬于腸胃溢于皮

膚漉漉，有聲怔忡喘息名曰水脹

橘紅 半夏 茯苓 甘草 桔梗 檳榔

等分每服五錢姜三片水煎服

赤茯苓丸 治同上

木香 五錢 苦苧磨炒四兩 防已 二兩 赤茯苓 二兩

為末棗肉丸梧子大每服三十丸桑皮湯下

人參苧磨丸 治一切水腫及喘滿不可當者

人參 一兩 苦苧磨炒四兩

為末棗肉丸梧子大每服三十丸桑白皮湯下

神秘湯 治水氣上乘于肺肺得水而浮水腫不

卧卧則喘

白茯苓 木香錢五 桑白皮 紫蘊葉 陳皮

人參錢七 姜七片水三鍾煎鍾半食後分五服

無礙丸 治脾病橫流四肢腫滿

木香酢 蓬朮炮 三稜炮 檳榔 郁李仁炮去皮

大腹皮 二兩 為末麥芽麩糊為丸梧子大每服

三十九丸生姜湯吞下

香蘊散 治水氣虛腫小便赤澀

陳皮去酒防已 木通 紫蘇葉各五錢

右為末每服二錢姜三片水煎食前服

小葶藶丸 治腫滿腹大四肢枯瘦小便澁濁

甜葶藶炒 薺菜根為粉 煉蜜丸彈子大每服一

丸陳皮湯嚼下只三九小便清數病愈

牡蠣澤瀉散 治脾胃氣虛不能約制腎水水溢

下焦腰以下腫

牡蠣炒 澤瀉 蜀漆洗去腥 葶藶炒 瓜蒌根

白商陸根 海藻洗 等分為末白湯調服方寸

### 七小便利止後服

踈鑿飲子 治水氣遍身浮腫喘呼氣急煩渴大

小便不利服熱藥不得者

澤瀉 赤小豆 白商陸 大腹皮 茯苓皮

羌活 椒目 木通 秦艽 檳榔等分

薑五片水煎服

大橘皮湯 治濕熱內攻腹脹水腫小便不利大

便滑泄

陳皮半兩 木香半錢 滑石六兩 檳榔三錢 茯苓一兩



猪苓 白朮 澤瀉 肉桂各五錢 甘草三錢  
生姜五片水煎服

實脾散

厚朴 白朮 木瓜 附子炮 木香 茯苓  
大腹子 草果仁 乾姜炮 甘草各錢  
姜五片棗一枚水煎服

加味枳朮湯 治氣為痰飲所膈心下堅脹名曰

氣分○枳殼 白朮 陳皮 檳榔 桔梗  
木香 桂 紫蘇梗 五靈脂炒 半夏各半

茯苓 甘草各半 姜三片水煎服

調榮散 治瘀血化為水四肢浮腫皮肉赤紋名

曰血分 細辛 莪朮 桂 赤芍 川歸

川芎 玄胡索 白芷 大腹皮 桑白皮

檳榔 蘿變穗 陳皮 赤茯苓 葶歷炒

大黃煨 甘草各分 每服五錢姜棗煎食前服

大豈湯 治風水通身腫百節痛惡風自汗眼合  
不得短氣欲絕其脉浮

大豈 杏仁去尖 麻黃 防風 防已 猪苓

酪四澤瀉 黃芪 烏頭三兩 各半夏 茯苓

白木酪五兩 甘遂炒 甘艸炙 各一兩 每服五錢 姜七片

水二鍾 酒半鍾 煎一鍾 服以大小便利為度

如不利 加生大戟兩 葶歷炒 二兩 無不利矣

內甘遂 甘草本相反 故用之以成功 屢試屢

効 非泛常所可測也

澤瀉湯 治石水 四肢瘦 腹腫不喘 其脉沉

澤瀉洗去腥 桑白皮六兩 射干浸 泔水 黃芩

茯苓 白木各四兩 澤瀉 防已各二兩

每服五錢 水三鍾 先用黑豆一合 煎至二鍾

入藥同煎 七分空心食前服 一日三次

附子菜菔湯 治寒客皮膚殼 然而堅 腹大身

腫 按之陷而不起 色不愛 病名膚脹 一劑未作

大附子大者一兩 生去皮 菜菔豆二兩 生姜一兩

水二鍾 煎一鍾 分三服 空心早晚各一服

葶歷防已丸 治面目浮腫 肺氣喘咳 不安赤澁

防已一兩 木通 葶歷 杏仁去皮 貝母煨

兩 右為末 棗肉丸 梧子大 每服五十九 食遠服

藥白皮煎湯送下

酒腫丸 治酒腫及脾虛發腫

蘿蔔十枚 皂角五枚 二味用水煮乾去皂角將

蘿蔔搗爛蒸餅糊為丸 芡實大蘿蔔煎湯如

意送下

犀角湯 治結陽症四肢腫滿熱菀不散或毒攻注

犀角 玄參 連翹 柴胡各五 升麻 木通

錢各一 沉香 射干 甘草炙各七 芒硝各三 錢

麥門冬三錢 分二服水煎

消腫湯 治水腫喘滿大小便不利

白朮 山梔各五錢 赤茯苓 蘿蔔子各三錢 葶藶

椒目 蘓子各一錢 沉香分三 木香五分 水煎服

又方 繼前服已上二方神効

葶藶二錢 椒目一錢 猪苓半錢 澤瀉八分

葱白三根水煎吞牽牛末為丸則大小便俱通

二奇方

白朮五錢 滑石三錢 水煎服七服全愈

白茯苓湯 治水腫 開鬼門潔淨府机要方

白茯苓

澤瀉 酪二 郁李仁 五錢

水煎臨服

入生姜自然汁服 或作粥飯或和麵作糲食之五七日後俟脹下乃與白朮散

又方 大田螺大蒜生車前草和研為膏作大餅敷于臍上少頃水從小便出數日愈

病機白朮散 服前白茯苓湯利後以此補之

白朮 澤瀉 鎔五為末以茯苓三錢煎湯調下

或丸服亦可每二十九從少至多後以黃芪建中湯之類調補

脹滿門 一名鼓脹

內經曰諸濕腫滿皆属于脾 蓋言脾虛不能運化此脹滿之所由生也

又曰濁氣在上則生臌脹 此清濁相干而為脹也其中亦有寒熱之分

靈樞曰脹者皆因厥氣在下寒氣逆上榮氣留止

真邪相攻兩氣相搏合而為脹又曰內虛不足

中寒濕令人中滿又曰胃中寒則脹滿

針經云脹取三陽三陽者足太陽膀胱寒水為脹

也 此皆以脹為寒也

內經曰諸腹脹大皆属于熱

丹溪曰七情內傷六淫外侵飲食不節房勞致虛  
脾土受傷轉輸失職胃雖受谷不能運化故陽  
自升陰自降而成天地不交之否清濁相混隧  
道壅塞濕鬱為熱、又生濕、熱相生遂成脹  
滿經曰鼓脹是也以其外雖堅滿中空無物有  
似于鼓又名蠱者若虫侵食有蠱之義是以脹  
滿為熱也  
陽熱為邪則身體有熱脹滿而咽乾陰寒為邪則  
吐不下食脹滿而自利

又有穀脹水脹氣脹血脹不可不別

失飢傷飽痞悶停酸旦食暮不能食者是為穀  
脾土受濕不能制水、漬于腸胃而溢于肌膚  
漉、有聲怔忡喘息是為水脹

七情鬱結氣道壅隔上不得降下不得升身腫  
大而四肢瘦削是為氣脹

煩躁漱水迷忘驚狂痛悶嘔惡虛汗厥逆小便  
多大便黑婦人尤多見之是為血脹

又有五臟六腑之脹

出在靈樞經論篇全  
在醫旨緒餘

靈樞曰心脹煩心短氣卧不安 肺脹虛滿而  
喘咳 肝脹脇下滿而痛引小腹 脾脹善噦  
四肢煩悅體重不能勝衣卧不安 腎脹腹滿  
引背央、然腰髀痛 胃脹腹滿胃脘痛鼻聞  
焦臭防于食大便難 大腸脹腸鳴而痛濯、  
冬日重感于寒則飧泄不化 小腸脹小腹膜  
脹引腰而痛 膀胱脹少腹滿而氣癢 三焦  
脹氣滿于皮膚中輕、然而不堅 膽脹者脇  
下痛脹口中苦善太息

大槩有虛實之辨實者腹中常脹外堅內痛按  
之不陷法當踈利 虛者時脹時減虛氣留滯  
按之則濡法當以溫藥和之

又有五積久而成脹滿者有外感寒邪傳入于裏  
寒爰為熱作胃實而脹滿者有痃瘕久而成脹  
滿者治療之法在體認詳明按而治之可也  
久病羸乏變為脹滿喘息不得及腫脹而肌肉崩  
潰足脛流水唇黑缺盆平臍突背平足心滿此  
數者皆為五臟損敗不治之症也

陳無擇曰脹滿皆臟氣不平勝乘相因為病如怒傷肝、尅脾、氣不正必脹于胃名曰勝尅怒乘肺、氣不傳必脹于大腸名曰乘尅

丹溪戒云醫家不察虛實急于作効病者善于脹急喜行利藥以求通快不知寬得一日半日其腫愈甚病邪深矣真氣傷矣

脉訣舉要曰脹滿脉弦脾制于肝洪數熱脹遲弱陰寒浮為虛滿緊則中實浮則可治虛則危急丹溪云宜大補中氣行濕此乃脾虛之甚必須近

音樂斷厚味大劑人參白朮佐以陳皮茯苓蒼朮之類 有脉實堅人壯盛者或可攻之便可收補用參朮為主 凡補氣必帶厚朴寬滿以其味辛能散其結也 須用姜汁製之 肥胖人初脹未久以胃苓湯服 如面白人腹脹是氣虛宜參朮厚朴陳皮 如瘦人腹脹是熱宜黃連厚朴香附白芍 如因有故蓄血而腹脹者宜抵當丸下死血 如因有食積而腹脹有熱者用木香檳榔丸有寒者用木香厚朴丁香砂

仁神麴香附 如因外寒束內熱而腹脹者用  
藿香麻黃升麻乾葛桂枝 因大怒而腹脹者  
宜青皮陳皮香附木香梔子仁蘆會 實者按  
之堅瀆下之次消之次補之 虛者溫之升之  
補之 朝寬暮急血虛暮寬朝急氣虛終日急  
氣血俱虛 腹脹不寬滿者食肉多用黃連一  
兩阿魏半兩醋浸餗餅為丸同溫中丸白朮湯  
下 食肉多三補丸料內加香附半夏麴蒸餅  
糊丸服

### 鼓脹說

生生子曰脹滿之疾穀食不消小便不利腹皮脹  
急而光內空々然如鼓是矣俗知謂之鼓脹不  
察其致之者有由也內經曰脹取三陽三陽者  
足太陽經寒水膀胱經曰下焦溢而為水靈蘭秘  
典曰膀胱者州都之官津液藏焉氣化則能出  
矣歷考三書可見小便之不利由下焦原氣虛  
寒以致溫氣壅遏于膚裡膜外之間不得發越  
勢必腫滿是腫滿之疾起于下元虛寒也若非



五卷  
溫補下元則小便何能獨利且夫人之胃如釜  
甑然釜底火旺則熱氣薰蒸甑炊易熟若徒有  
水而無火則無氣上升物何由熟即此可以例  
觀矣故治脹滿者先宜溫補下元使火氣盛而  
濕氣蒸發胃中溫暖穀食易化則滿可寬矣夫  
清氣既升則濁氣自降濁氣降則為小便也小  
便利脹有不消乎語謂地氣上為雲天氣下為  
雨惟此氣流行斯為雲為雨也今之醫者一遇  
此疾則曰內經有言諸濕腫滿皆屬脾土土虛

則濕停濕停則滲透肌膚遍身腫滿不可不通  
利也輟用利小便及補中之劑如五苓散胃苓  
湯加木通車前子大腹皮滑石之類法未為爽  
謬不然顧服之愈多而小便愈少腫脹愈急何  
故哉不溫補下元而徒以通利之藥施之也果  
若此豈惟不効則下元益虛真氣益弱死期且  
至安望其有瘳乎余嘗究心靈素參會易理憬  
然有得于中且施之病者隨試輟効故筆之于  
冊以公我之同志

補壯原  
湯于後

治氣脹之劑

平肝飲子 專治喜怒不節肝氣不平邪乘脾胃

心腹脹滿頭運嘔逆脉來浮弦

防風 桂心 枳殼 赤芍 桔梗一炒 人參

甘艸炙 檳榔 當歸酒洗 川芎 陳皮錢 各五

每服五六錢姜五片水煎服

紫蘇飲子 治憂思過度致傷脾胃心腹膨脹喘

促煩悶腸鳴氣走漉漉有声大小便不利脉虛

緊而澁 方在痞門

調中順氣丸 治怒氣傷肝三焦痞滯水飲停積

脇下虛滿或時刺痛

木香 白豆仁 青皮 橘紅 三稜炮 各

半夏泡 大腹子各三兩 砂仁 檳榔 沉香錢 各五

糊丸梧子大每服三五十九陳皮湯下

木香順氣湯 治濁氣在上則生膜脹及七情所傷

陳皮 厚朴各四分 川歸五分 草豆蔻去麩 木香

蒼朮米泔洗 青皮 益智仁 白茯苓 澤瀉

半夏泡 乾生姜 吳茱萸 升麻 柴胡各二分

加姜水煎服

直指橘皮湯 治七情所傷中脘不快腹脇脹滿

香附米 半夏 橘紅 酪二 甘草 牝錢

每服一兩姜五片棗二枚水煎服

四製枳殼丸 治腹脹鼓疾

陳枳殼同炒 四兩分 四製一兩 蒼朮一兩 用一兩

茴香一兩同炒 一兩同炒 一兩同炒 以炒枳殼黃色為度

去同炒藥只用枳殼為末却將蒼朮等四味

煎湯去渣打麵糊為丸梧子大每服五十九 米飲湯吞下

烏藥順氣散 脹滿痞塞七情憂思所致此方如神

天台烏藥 香附 沉香 砂仁 橘紅

半夏 為末每服二錢灯心湯調

寬中八寶散 治全前方

木香 歸尾 蘿蔔子 真蘘子 檳榔

砂仁 酪半 沉香 牙皂 酪一

共為末每服一錢或二錢黃酒調下

小水不利并水腫加苦葶蘆子末一錢五分

粿古後段灸末一錢入前方內

治寒脹之劑

大正氣湯 治脾胃虛寒外為風寒濕氣擾動心

腹脹滿 藿香 厚朴 陳皮 半夏 白朮

各二錢 檳榔 桂枝 枳殼 乾姜 炮各一錢 甘草

分五 分佐二帖姜三片水煎服

大半夏湯 治肝氣太盛尅勝于脾，鬱不行結

聚涎沫胃中脹滿其脉弦遲

半夏 桂心 各五兩 附子 炮 人參 甘草 炙 厚朴

川歸 茯苓 枳實 各二兩 川椒 炒去汗用開口無目者八百粒

每服四五錢姜棗煎服

沉香降氣湯 治中脘脹滿時吐脇疼每噫則齋

氣快不噫則悶漸齋面浮磨檳榔入紫蘓同煎

下神保丸五七粒

香附 一兩 沉香 五分 砂仁 二錢 粉草 三錢

右為末每服一錢入鹽少許沸湯服

神保丸 治諸寒積脹滿急痛大便不利

木香 胡椒 一錢 全蝎 七個 巴豆 十粒去皮研

右為末餽餅丸麻子大硃砂為衣每服五丸

腰脇疼痛茴香酒下餘陳皮湯下

順氣木香散 治氣不升降嘔逆惡心胸脇痞悶

脇肋脹滿及酒食所傷噎食吞酸心脾疼大便

不調及嬾人血氣刺痛一切冷氣服此寬中利

氣和胃進食

丁皮 砂仁 良姜 桂心 乾姜 炮 甘草 炙

橘紅 厚朴 蒼朮 桔梗 茴香炒各三兩

每服五七錢加姜棗水煎服

單澄茄丸 治痞滿脹痛穀脹氣脹通用

葶澄茄 白豆蔻 砂仁 青皮 蘿蔔子

木香各二肉豆蔻 茴香炒 丁香 桂各半

陳皮分三 右為末麵糊丸梧子大每服三十丸

導氣丸 治諸痞塞腹脹如鼓大便秘結等症又

腎氣小腸氣疼功效尤捷

青皮炒 羌活分同 羌活炒 羌活炒 檳榔同炒

去班 胡椒去苗 三稜乾 吳茱萸同炒

去黑 赤芍藥去川 石菖蒲桃仁同炒 乾姜

去礪同炒 大附子去青 右十味為末酒糊

為丸梧子大每服五十九加至七十九紫蘊下

沉香飲 治腹脹氣喘坐卧不安

沉香 木香 枳殼各五 蘿蔔子炒一兩

每服五錢姜三片水煎服

木香化滯湯 破滯氣心腹滿悶

甘草炙 白檀香 藿香 陳皮 桔梗 大腹

皮 茯苓 白苝仁各二 砂仁 人參 青皮

檳榔 木香 姜黃 白朮各四 水煎服

縮砂飲 治氣脹氣壅等病如神

蘿蔔子研汁 砂仁不拘多少 以蘿蔔子汁浸透炒妙為細末每服一錢米飲下

四炒丸 治年高人患鼓脹獨只腹脹肢體如柴

舉動乏力 木香 檳榔各一兩

二味剉如芡實大四製同炒 用蘿蔔子一兩

子不用一分 用香一分 用乾漆一分 用黃芩一分 用黃芩一分 用黃芩一分

木一兩 去兩 炒深 黃色去 茴香一分 用一

藥煎湯打糊為丸菜豆大每服七八飲下 米

中滿分消湯 治中滿寒脹寒疝大小便不通陰

中滿分消湯 治中滿寒脹寒疝大小便不通陰

躁足不收四肢厥冷食入反出下虛中滿腹中  
寒心痞下寒沉厥奔豚

益智仁 半夏 木香 茯苓 升麻各七錢

川烏 人參 青皮 當歸 生姜 柴胡

乾姜 黃連 葶澄茄各五錢 黃芪 吳茱萸

草豆蔻 厚朴各五錢 右每服一兩水煎溫服大

忌房勞溫麵生冷 一方有麻黃澤瀉各二錢五分黃柏五分

錢氏塌氣丸

胡椒一兩 蜀椒半兩 為細末麩糊丸如粟米大

每服五七丸至一二十九丸陳米飲下

木香塌氣丸 治單腹脹

丁香 胡椒各二錢 蝎尾半兩 枳實一兩 白牽牛一兩

郁李仁四錢 木香 檳榔各半 為末飯丸葶

豆大每服十九至十五丸陳皮生姜湯任下

木香散 治單腹脹

木香 青皮 白朮 姜黃 草豆蔻各半兩

阿魏 葶澄茄各一兩

右末醋糊丸葶豆大每服二十九丸生姜湯下

又方 治鼓氣

大癩蝦蟆一隻新瓦二片相合鉄線纏定盛在  
内外用塩坭固濟慢火煨存性為末温酒調服  
下三五錢

治熱脹之劑

中滿分消丸 治中滿鼓脹氣脹大熱脹水脹

人參 白朮 姜黃 黃芩 黃連 半夏泡

枳實炒各五錢 甘草炙 猪苓各錢 茯苓乙 砂仁

乾生薑各二錢 厚朴姜製一兩 知母錢 四澤瀉 橘紅

絡三 右研茯苓澤瀉生薑各為末餘共為末和

勻鈺餅為丸梧子大每服百丸白湯吞下

沉香交泰丸 治濁氣在上而擾清陽之氣鬱而

不伸為臌脹 沉香 白朮 橘紅各三錢 茯苓

澤瀉 枳實去穢 吳茱萸湯洗 當歸酒浸 青皮去白

木香各一錢 大黃酒浸一兩 厚朴姜製五錢 湯浸鈺餅為

丸梧子大每服七八十丸白湯下微利即止

廣茂潰堅湯 治中滿腹脹内有積塊堅硬如石

令人坐卧不安大小便澀滯上氣喘促遍身腫

厚朴 黃芩 益智 草豆蔻 當歸各五錢 吳



茱萸

紅花

酒洗

升麻

廣茂

錢

甘草

柴胡

澤瀉

神曲

炒

陳皮

青皮

錢各三

黃連

錢六

半夏

鉗

每服七錢姜三片水煎服

渴者

加葛根

錢四

鷄屎醴飲

治鼓脹旦食暮不能食痞滿壅塞

椎鷄屎

臘一月

取晒

川芎

一兩

二味

各為極細末

和勻麵糊丸梧子大每服五十九丸溫酒下

又方

加大黃

兩

每服二錢姜湯下

推氣丸

治三焦痞塞氣不能降胸脇脹滿大便

秘小便赤

陳皮

檳榔

枳實

黃芩

大黃

黑丑

生等

為末蜜丸梧子大每服五

七十九丸臨睡白湯下

大異香散

治穀脹失飢傷飽痞悶停酸早食暮

不能食

陳皮

青皮

京三稜

莪朮

益

智仁

香附子

藿香

半夏曲

桔梗

錢各五

枳殼

錢五

甘草

錢三

每服五六錢姜棗煎服

木香分氣丸

善治脾胃不和心腹脹滿兩脇膨

脘胸膈注滿痰嗽喘急刺心乾嘔咽喉不利飲

食不化並皆治之亦治穀脹

木香 檳榔 青皮 莪木煨 當歸 姜黃

白朮 枳殼煨 橘紅 肉果 乾生姜 玄胡

索 京三稜煨 赤茯苓 秋冬加丁香炒

各等分為末 麩糊丸 小豆大 每服三五十九

生薑湯下 忌生冷 茄子 馬齒莧

補下元之劑

壯原湯 治下焦虛寒中滿腫脹小水不利上氣

喘急陰囊兩腿皆腫或面有浮氣

人參 白朮各二錢 茯苓 破故紙各一錢 桂心

大附子 乾姜 砂仁各五分 陳皮七分

水煎食遠服 有痰加半夏一錢 喉中痰聲

加桑白皮一錢 咳嗽亦加 脚趺面腫加薏苡

仁二錢 中氣不轉運不知餓加厚朴木香

氣鬱不舒加沉香烏藥臨服磨入 氣虛甚

者人參加作五錢大附子加作一錢半 汗

多者再加桂枝五分白芍藥酒炒過八分

若夏月喘乏無力或汗多者加麥門冬一錢

五味子十一粒 夜夢不安者加遠志一錢

兩脇氣硬加白芥子八分若面浮腫脇下氣  
硬加白芥子紫蘊子五分 若身重不能轉  
動加蒼朮一錢澤瀉七分 濕盛加桑白皮  
赤小豆

治血脹

人參芎歸湯 治小便多大便黑痛悶喘惡名曰血脹  
當歸 半夏分三川芎兩一莪木煨 甘草灸 木香  
砂仁 烏藥各五人參 桂 五靈脂炒各一分  
每服三五錢紫蘊葉四片姜五片棗一枚水煎服

一方 治血鼓腹脹如盆

三稜煨 莪木 乾漆炒烟 牛膝去芦 蜜炙 虫糯米  
琥珀 肉桂 礞砂 水蛭炒石 大黃各等分  
為末用生地黃自然汁和米醋調勻為丸梧  
子大每服十九空心溫酒下童便下亦可  
鷄屎醴散 治旦食暮不能食血脹痞滿

大黃 桃仁去皮 乾鷄屎醴等分  
為末每服一錢生姜三片煎調食後臨睡服  
治積塊不消發為脹滿之劑

治五蠱脹丸 忌鹽四十日

官桂 歸尾 檳榔 橘紅 枳壳炒 莪朮炒

三稜炒 大黃酒煮 青皮 黑丑君 白商陸君

芫花君 大戟 甘遂去心包煮 麵 赤小豆 椒目

木香 砂仁 乾漆炒烟盡 枳實炒 醋糊為丸

梧子大初服三日每服九十九丸過三日服八

九十九丸又過三日服七十九丸每用葱七根煎

湯送下空心服以行四五次為度行後以温

粥補之不行而吐者亦妙次用補法

補方 青皮 桔梗 莪朮 三稜 枳實

枳壳 木香 砂仁 茯苓 檳榔 陳皮

芍藥 細辛 歸尾 人參 香附等分 每服

四五錢水煎服須要過四五十日後方許食

食鹽用藥法

鯽魚去腸將五苓散末入魚腹中焙乾為末白

湯調服方許食鹽 已上三方乃一宗方極

峻利非積固體厚者未敢謾試姑錄此以

温白丸 治心腹積聚心下堅結大如杯碗傍攻

兩脇心痛食不消化

桔梗 柴胡 菖蒲 紫苑 黃連 乾姜

桂皮 茯苓 川椒 吳茱萸 巴豆去皮心

炒人參 厚朴各五錢 川烏炮二兩 皂莢去皮子

右為末入巴霜和勻煉蜜為丸梧子大每服卅丸紫蘇湯下取下積滯如魚腦爛綿而安

小檳榔丸 治脾虛腹脹不進飲食快氣寬中

蘿蔔子炒 檳榔煨 黑丑炒 木香各五錢

為末麵糊丸梧子大每服三四十九丸姜湯下

治蠱脹將愈內有痞塊用此消之

青皮 枳壳 三稜 莪朮 蒼朮 厚朴

桂皮 香附略 砂仁 草果 針砂 白芷各五

錢烏藥 乾漆 乾姜略一兩 歸尾半兩 檳榔一兩

木香二錢半 阿魏錢乙 一方有录礬一斤 陳皮一兩

為末棗肉丸梧子大每空心好酒吞下五十 九漸加至二錢

治脾虛之劑

強中湯 治啖生冷過飲寒漿有傷脾胃遂成腹

脹心下痞滿有妨飲食甚則腹痛

乾姜炮 白朮各二兩 青皮去白 人參 丁香各三 草

果仁 附子皮去 厚朴姜製 甘草炙 五錢

每服四五錢 姜棗煎服 嘔者加半夏

如食麪脹滿加蘿蔔子各五錢

溫胃湯 治憂思鬱結脾肺氣凝大腸與胃氣不

平脹滿冲咳食不得下脉虛而緊瀆 附子炮

歸尾 厚朴 生人參 陳皮 白芍 甘草炙

一兩 乾姜兩二錢 川椒半錢 每服五六錢水煎服

草苴寇湯 治腹中虛脹

澤瀉分 木香分三 神曲分四 半夏 枳實 益智

草豆蔻 黃芪春用 甘草各五 青皮 陳皮各六

分茯苓 當歸各七

生姜三片水煎服 冬再加黃芪五分

通氣生姜丸 治三焦虛脹

人參 茯苓 神曲炒 麥芽炒 各兩半 官桂 歸尾

陳皮兩六 半夏兩一 生姜去皮切 厚朴兩六

右為末以生姜汁煮麪糊為丸梧子大每服

三十九丸空心食前米飲下

治脹而喘嗽之劑

定喘葶藶丸 治鼓脹喘嗽

葶藶 木香 貝母 芩分

為末 飪餅糊丸 梧子大 硃砂為衣 煎桑白皮湯下 或即以四味為末 仍以桑白皮湯下 炒

附雜方

敷藥 治腹硬如石 或陰囊腫大 先用熟水嚼甘草

草後以藥敷肚上 大戟 芫花 甘遂

海藻各等分 為末 醋調塗 或用白麵調藥敷肚上

慰法 治腹脹如鼓 澀如木皮樣

杜烏藥并 荊芥 蒼朮 茵草 山茵陳 二

蚕沙 松毛 橘葉 椒目 烏頭 赤豆

樹葉 藟 各等分 作二次炒熟 以布袋盛

熨之 冷又炒熨 三四十度 或復用煎水薰洗 或服神保丸 微溏泄其氣

獨聖散 治脾胃不足 過食生冷 心腹痛脹

鹽 五合 以水一升 煎化 頓服 自然吐即定

食麪多 腹中飽脹 以熱酒和生姜汁飲 一二盃 即消

桂香丸 治大人小兒過食雜菓腹脹氣急

肉桂不射香另研一分 為末飯丸菜豆大小

兒七丸大人十五丸白湯下二三服神效

西來方 治腹中積塊作脹作痛大小便不利

硼砂二錢 苦苧薜子 海金沙各三錢 乳香半錢

沒藥 牙皂各錢 檳榔 陳皮 三稜各二錢

木香半錢 共為末每服五分滾水調下

虫蠱

生生子曰按鼓症內經靈樞水脹篇只有水與膚

脹鼓脹腸覃石瘕石水六者又脹論篇載五臟

六腑皆有脹狀甚著後代諸書論脹鮮有發明

予在吳下時有同志友吳生諱震號九宜者博

雅君子也每與予討論多善予一日偶談及鼓

脹乃詰予曰鼓有虫否乎予卒不敢應俛思久

之對曰或有之當以疑辭對者蓋以目未見而

書無考也按許學士本事方云臍腹四肢悉腫

者為水但只腹脹而四肢不甚腫者為蠱註謂

蠱即鼓脹也由是叅之古人曾以蠱鼓同名矣



耳蠱以三虫為首豈無旨哉愚謂鼓脹即今云  
氣虛中滿是也以其外堅中空腹皮綳急有似  
于鼓故以鼓脹名也彼蠱症者中實有物積聚  
已久濕熱生虫理或有之吳生曰子質何其敏  
也予堂嫂病鼓三載腹大如箕時或脹痛四肢  
瘦削三吳名劑歷嘗不瘳吳俗死者多用火藥  
燒至腹忽响聲如炮人皆駭然乃見虫從腹中  
炮出高二三丈許燒所之天為昏俄而墜地細  
視之皆蛔也不下千萬數大者長尺餘虫腹中

復生小虫多者十五六條或十數條或五六條  
虫在人腹中蓄息若此曷不令人脹哉區、藥  
劑豈易瘳哉顧蠱以多虫為首于義始見許之  
以蠱名鼓者旨可徵矣惜乎諸書未有言及子  
既為後人立言幸繹數方以備後之治鼓疾者  
知有此蠱字義也予聞之恍然如夢始覺然猶  
未親見其異也歲萬曆癸巳赴督漕理刑吳比  
部之召而至淮陰有王鄉宦者其子年十六新  
娶後腹脹大按之有塊形如稍瓜四肢瘦削發

熱晝夜不退已年半矣族醫惟以退熱消脹之劑投之其脹愈大其熱愈熾甚且喉中兩耳俱瘡余診視之脉滑數望其唇則紅其腹則疼又多嗜肥甘余思諸凡腹疼者唇色淡不嗜飲食今若此得非虫乎投以阿魏積塊丸服之果下虫數十大者二一紅一黑長尺餘虫身紅線自首貫尾虫腹中有虫大者數條小者亦三四條虫下則熱漸減脹漸消三下而愈此余所親治者益信前聞之不虛也世之奇症書所未載者大率類此胡可以未聞未見者而輕議之也余因紀其聞見贅其方于鼓症之末

### 治虫蠱之劑

八毒赤丸 治男婦染着神鬼謂之鬼症病服之

甚効治虫積蠱脹如神 雄黃另研礬石 硃砂

礬牡丹皮 附子炮 藜芦 巴豆各一兩 蜈蚣一条

右為末煉蜜丸如小葶大每服五七丸至十丸冷水送下無時昔有副使許可道至雄州請醫看脉乍大乍小乍短乍長氣血不均邪

氣傷正本官說去路至邯鄲驛中夜夢一婦人著青衣不見面用手于脇下打了一拳遂一點痛徃來不止寒熱不食乃鬼驚也可服八毒赤丸本官言讀名醫錄中看李子豫八毒赤丸為殺鬼杖子遂與藥三粒臨卧服明旦下清水二斗立効製藥時宜志誠齋戒

紫金丹 治虫蠱并虫積

大黃 檳榔各三兩 蒼朮 貫仲 牙皂 香附

各三兩 雷丸 黑丑各二兩 史君子半兩 白

蕪荑 苦練根皮各二兩半 右為末每服三錢五更

時沙糖湯調服至天明下虫積不問黃腫鼓脹心痛一服即効 小兒減半看大小輕重

又方 治全

黑丑 五灵脂好酒煮 栝柳各五錢 大黃一兩 阿魏二錢

桃仁去皮尖研如泥不拘分兩但可丸為率

右為末以桃仁膏為丸梧子大每服二錢白湯送下

積塊丸

治癥瘕積聚癖塊一應難消難化腹中飽脹或  
虫積痰痛皆能取効若神不傷元氣

京三稜

義木

醋各用煨

自然銅

蛇含石

各燒

紅醋淬七  
次二錢

雄黃

蜈蚣

全用焙燥各  
錢二分

辰砂

八分

木香

鉄華粉

用糯米醋  
炒一錢

芦會

天竺黃

阿魏

全蝎

洗全用焙  
乾各四錢

沉香

八分

冰片

五分

右為極細末用雄猪胆汁煉為丸黑狗胆汁  
尤妙丸如梧桐子大或服七八分重者一錢  
五更酒送下塊消即止不必盡劑

### 痞氣門

內經曰太陰所至為積飲痞隔

痞者心下痞滿而不能食也

仲景云滿而不痛為痞滿而痛為結胸

劉河間曰痞與否同不通泰也謂精神營衛血氣

津液出入流行之紋理閉密而為痞也

東垣曰脾無積血不痞夫痞者心下滿而不痛是

也太陰者濕土也主壅塞乃土來心下為痞滿

也傷寒下太早亦為痞乃因寒傷其營者血

也心主血邪入于本故為心下痞悶仲景立瀉  
心湯數方皆用黃連以瀉心下之土邪其効如  
響應桴故活人書云審知是痞先用桔梗枳殼  
湯非以此專治痞也蓋因先從錯下必成痞症  
是邪氣將陷而欲過胸中故先用截散其邪氣  
使不致于痞先之一字早用之義也若已成痞  
而用之則失之晚矣不惟不能消痞而反損胸  
中之正氣則當以仲景痞藥治之經云察其邪  
氣所在而調治之正謂此也非止傷寒如此至

于酒積雜病下之太過亦作痞蓋下多亡陰亡  
陰者謂脾胃水穀之陰亡也故胸中之氣因虛  
下陷于心之分野故至心下痞宜升胃氣以血  
藥兼之若全用氣藥導之則其痞益甚甚而復  
下之氣愈下降必變為中滿鼓脹皆非其治也  
又有虛實之殊如實痞大便秘者厚朴枳實湯  
主之虛痞大便秘者白芍陳皮湯主之如飲食  
所傷痞悶者當消導之去其胸中窒塞上逆兀  
兀欲吐者則吐之所謂在上者因而越之是也

王海藏曰治痞獨益中州脾土以血藥兼之其法無以加矣

傷寒痞者從血中來雜病痞者亦從血中來雖俱為血症大抵傷寒之症從外至內從有形至無形故無形氣症以苦泄之有形血症以辛甘散之中滿者勿食甘不滿者復當食也中滿者腹脹也如自覺滿而外無腹脹之形即非中滿乃不滿也不滿者病也當以甘治之可也

綱目云無形氣症以苦泄之者枳實黃連之類是

也有形血症以辛甘散之者仲景人參湯

是之類也

劉宗厚曰痞之為病由陰伏陽鬱氣血不運而成處心下位中央膜滿痞塞皆土之病也與脹滿有輕重之分痞則內覺痞悶而外無脹急之形脹滿則外有形也前人所論皆指悞下而致之亦有不因悞下而然者如中氣虛弱不能運化精微則為痞飲食痰積不能施化則為痞濕熱太盛土乘心下則為痞既痞與濕同治惟上下分消其氣如果有內實之症庶可畧與疎導世

人痞塞喜行利藥以求速効暫時通快痞若再作益以滋甚是不察夫下多亡陰之意也

統旨曰痞有虛實之殊而又有濕有熱有痰有鬱有風寒不消有脾胃虛弱有飲食過傷者當求所因而分治之如實痞大便秘閉以黃連枳實厚朴苦以泄之虛痞大便秘閉以為藥陳皮酸以收之濕者四肢困重小便短少宜蒼朮茯苓半夏滑石澤瀉以滲之鬱者則流滯不通食難消化宜撫芎香附蒼朮枳實以開之熱則煩渴溺赤

用黃連黃芩葛根并麻以發之便秘者即而利之痰則胸中窒塞用半夏瓜蒌枳實黃連以豁之欲吐者因而越之飲食後因冒風不消而痞宜吳茱萸砂仁草豆蔻藿香溫以化之脾胃弱而轉運不調為痞宜四君子湯等甘以補之飲食過傷則腹飽噯氣而致痞塞者又當以青皮枳實厚朴山楂麩蘖以消導之至于痰挾血成窠囊而痞者用桃仁紅花香附大黃之類若脉右關多弦弦而遲者必心下堅此肝木尅脾土

鬱結涎閉于臟腑氣不舒則痞木香順氣湯如下多則亡陰而痞者四物加參苓白朮升麻柴胡少佐以陳皮枳殼監制或大病後元氣未復而痞補中益氣湯加陳皮凡此痞滿不可執全在活法詳脈證虛實而治之也

劉河間曰三陰三陽之標本治各不同有用寒藥而為熱痞大黃黃連之類也有用寒熱藥者陰與陽不和而痞大黃黃連加附子之類也有用辛熱藥多而寒藥少者陰盛陽虛而痞半夏生

薑甘草瀉心三方之類瀉心湯者非瀉心火之熱乃瀉心下之痞也通而論之其藥陽多而陰少蓋病發于陰而得之有大黃黃連瀉心湯獨為陰心下痞而脈疾一証桂枝後用從太陽浮弱所變餘皆陰陽雜用

直格云傷寒裏之陰分已受熱邪是病發于陰也或熱微而下証未全誤下之早則裏熱除去表熱乘虛入裡而作痞也故仲景攻痞多用大黃黃連黃芩寒藥爾後或加附子乾姜之類者是



以辛熱佐其寒藥欲令開發痞之怫熱結滯也  
非攻寒耳

劉宗厚曰河間論瀉心湯分陰陽寒熱多少而用藥可謂詳切矣而此論則專主於熱二者似乎不同要之各有所當蓋直格是言其受病之本河間是論其用藥之標若以為痞有陰寒之症耶則仲景瀉心五方何皆用黃芩黃連之藥若以為痞無陰陽之異耶何瀉心湯又有兼用附子乾姜半夏生姜之類者也一言其本一言其標而巳

治熱之劑

仲景大黃、連瀉心湯 治心下痞按之濡其脉  
關上浮或寸沉關浮而有熱者  
大黃 二兩 黃連 一兩

右劉以麻沸湯漬之須臾絞去渣分温再服  
劉宗厚云此少陰經藥也出陽明例成無巳云大黃、連以導瀉心下之虛熱以麻沸湯漬服者取其氣薄而泄虛熱也又按伊尹湯液論大黃、連黃芩湯共三味今監本無黃芩脫落之也又保命集無黃芩加甘草乙兩  
散寒瀉熱之劑

仲景附子瀉心湯 治心下痞而復惡寒汗出脉

沉遲也

大黃二兩黃連

黃芩各乙

附子

一枚炮去皮  
臍別取汁

右剉以麻沸湯浸之須臾絞去渣內附子汁

分溫再服

半夏瀉心湯 治汗下後身寒痞滿而嘔飲食不

下脉微按之不痛非柴胡症

半夏泔升黃芩

乾姜

人參

各三黃連

一兩

大棗十二枚甘草炙

右七味以水一斗煮取六升去渣再煮取三

升溫分三次服

生姜瀉心湯

治汗下後胃中不和乾噫食臭自

利腸鳴脇下有水氣而心下痞滿

即半夏瀉心湯加生姜四兩

乾姜只  
用乙兩

甘草瀉心湯

治下之後腹中雷鳴心下痞硬再

下之痞益甚此非結熱以胃中虛客氣上逆也

即半夏瀉心湯去人參甘草加作四兩

劉宗厚云以上諸瀉心湯元戎云少陰藥也  
以其心下痞故入陽明例况服梔子黃芩黃柏

大黃為上下通經之劑安得不例陽明乎

秘藏大消痞丸 治一切心下痞悶及積年久不

愈者 黃連炒 黃芩各六錢 姜黃 白木各一錢

甘草炙 砂仁 乾生姜 神麴炒 各一錢 人參二錢

枳實炒 五橘紅二錢 澤瀉三錢 厚朴製 二猪苓一錢

半夏四錢 右為末 餗餅糊為丸 梧桐子大 每五

十九 漸加至百丸 白湯送下

枳實消痞丸 治右關脉浮 弦心下虛痞 惡食懶

倦 開胃進食

枳實 黃連各五錢 乾生姜二錢 厚朴製 四 人參

白木 半夏麴 甘草炙 各三錢 茯苓二錢 大麥麴 二錢

右為末 餗餅糊丸 梧桐子大 每服五六十丸

白湯送下 失笑丸以茯苓治全

劉宗厚云以上二方並半夏瀉心湯加減法也 內有枳實湯四君子五苓平胃等利濕消痞之藥也

溫中散飲之劑

枳實理中丸 治中脘痞滯氣不宣通積寒停飲

食不消化

人參 乾姜炮 白朮 枳實 甘草炙 略

右為末煉蜜丸如鷄子黃大每服一九細嚼

白湯下或沸湯化下活人書 有茯苓

理氣之劑

活人桔梗枳殼湯 治傷寒痞氣胸滿欲絕

桔梗 枳殼去穰 炒 右剉水煎分作二服

此手太陰經藥也活人書云審知是痞先用此湯無不驗也緣枳壳行氣下膈故効海藏云活人用此非治痞也審知錯下必成痞是氣將陷于胸中故先用此使不致于痞也若已成痞復而用之則失之晚而胃中之氣愈痞矣先之一字預早之意也

宣明檳榔散 治傷寒陰証下後成痞滿而不痛

按之虛軟 檳榔 枳殼等分

為末每服三錢煎黃連湯調下

寶鑑三腕痞氣丸 治三焦痞滯水飲停積脇下

虛滿 木香 白豆仁 青皮炒 京三稜炮

半夏 橘紅 檳榔 砂仁 沉香各五錢

大腹皮兩 為末麩糊丸梧桐子大每服五六

十九食後陳皮湯送下

東垣木香消痞丸 治因憂思氣結中腕腹皮厚

微痛心下痞滿不思飲食

木香 紅花 乾姜各五錢 柴胡四錢 橘紅三錢 當歸

尾二錢 半夏 甘草灸各一兩

為末 飪餅糊九棗豆大白湯送下七八十九

七氣湯 治憂思鬱結心腹悶 方見氣門

兼治濕熱之劑

東垣黃連消痞丸 治心下痞滿壅塞不散煩熱

喘促不寧

黃連 黃芩 澤瀉各一兩 枳實炒 半夏各七錢

姜二錢 白朮 茯苓 甘草灸各錢 姜黃一錢 猪苓

右為末 飪餅糊為丸 梧桐子大 每服五七十

九食前白湯下

蘓橘飲 治氣壅發虛浮腫甚効

陳紫蘓葉十四片 全陳皮二片 砂仁六枚 甘草六寸

生姜十片 棗五個

右水煎服

紫蘓飲子 治憂思傷脾心腹膨脹喘促胸滿腸

鳴氣走瀉 有聲大小便不利脉虛緊而瀼

蘓子一两木通 半夏 厚朴 木香 草果

陳皮 枳實 人參 白朮 粉草 大腹皮

錢各五 每服五錢姜棗煎服

陳橘皮散 治腹內諸痞脹

橘紅 紫蘓 大腹皮略乙 漢防已錢五 木香錢五

檳榔 木通 赤茯苓各三

每服五錢加姜煎服

雜治

東垣木香消痞湯 治因憂氣鬱結中脘腹皮急

微疼心下痞滿不思飲食亦不化常覺痞悶

柴胡 木香各七 半夏 生姜 枳實各乙

陳皮八分 甘草炙五 歸尾錢二 草豆仁錢一 紅花少許

水煎食前熱服忌酒麪葷物

王海巖云少陰下痢面赤心下痞瀉心湯加減例

易老單用黃連瀉心湯用錢氏法後隨証加減

煩者加山梔 躁者加香豉 嘔加半夏 滿

加枳實厚朴 腹疼加芍藥 脉遲加附子

下焦寒加乾姜 大便硬加大黃 如用姜附

先煎令熟使熱不僭後加黃連同用

內傷之劑

枳木丸 治痞消食強胃

枳實去穢色乙兩 白木二兩 為末以荷葉裹燒飯

為丸梧桐子大每服五七十九

橘紅枳木丸 治老而元氣虛弱飲食不消臟腑

不調心下痞悶 前方加橘紅一兩

古庵橘連枳木丸 補脾和胃瀉火消痰

即前方再加姜炒黃連一兩

平補之劑

平補枳木丸 調中補氣血消痞清熱

白木三兩 白芍酒炒一兩 陳皮 枳實去穢 黃連煨

炒各一人 木香各五 右為末荷葉打米糊

丸梧桐子大每服六七十丸米飲下

古庵云白木補脾氣為君白芍藥補脾血為臣陳皮以和胃枳實消痞黃連清熱為佐人

參以補元氣木香以調諸氣為使如此平補氣血均去痰火兼通氣道則病邪日消而脾

胃日壯矣

丹溪云心下痞須用枳實黃連此亦是昔以泄之

攻補兼施之劑

東垣黃芪補中湯 脾虛不能滲濕內痞外浮

人參分八黃芪 甘草 白朮 蒼朮 陳皮各五

分茯苓 猪苓 澤瀉各三

水煎溫服送下大消痞丸

補中益氣湯 治中氣虛心下痞

脉緩有痰而痞加半夏黃連 脉弦四肢滿閉

便難心下痞加柴胡黃連甘草 大便秘燥加

黃連桃仁少加大黃歸身 心下痞悶者加白

芍藥黃連 心下痞腹脹加五味子白芍藥砂

仁 天寒月加乾姜或肉桂 心下痞中寒者

加附子黃連 心下痞嘔逆者加黃連生姜陳

皮假如冬月再加黃連入丁香藿香葉 能食

而心下痞加黃連五分枳實三錢 如不食心

下痞者勿加止照本方服之 食已而心下痞

別服橘皮枳朮丸

治痰之劑

濟生瓜蒌實丸 治胸膈痞痛徹背脇脹喘急悶



瓜蒌實

研

枳實

去穢

炒

半夏

桔梗

各等分

為末姜汁打糊為丸梧子大每服五七十九

食後淡姜湯下

按此方瓜蒌以潤肺降痰枳殼破滯氣半夏  
豁痰燥濕桔梗開膈載藥可謂善治痞悶喘  
急矣然痰因火動者加黃連尤  
妙蓋黃連佐枳殼消痞甚速

五卷終

國家圖書館, NATIONAL CENTRAL LIBRARY, TAIWAN, R.O.C.

赤水玄珠第六卷目錄

吐酸門

論吐酸屬熱

論雜病吐酸與病机外邪不同

辨素問東垣論酸不同

停飲

痰飲門

怔忡驚悸門

心澹澹動門

怒門

善太息

